



## KANTIK AN OFEREN

---

*Ar beleg e traon an aoter, hag an Introït*

Stouet pec'her, aman dirag an aoter,  
Dirag va Mestr, hag heb dale va barner.  
Me deu leun a fizianz hag evit kaout pardon,  
Da skei dirag an oll, e kreiz poull va c'halon.

Diskuezit d'comp, va Doue, ho trugarez,  
Ha dre ho komz, ni vezo pur a nevez,  
Evit tostad ouzoc'h, sevel gant ar beleg  
Deuz aoter ar C'halvar, trôn an oll C'halloudeg.

*Kyrie, Gloria in excelsis*

Trindet Santel, ouzomp-ni o pet truez,  
Ha ni gano assamblez gant an elez :  
Gloar da Zoue en env ha peoc'h var an douar  
Da vugale Doue, peoc'h d'an hini he gar.

*Peden*

Ni zo dister, c'houi a vel hor paourentez,  
Mes evidomp e ped ar zent, an elez,  
Selaouit ho moueziou ha selaouit Jesus,  
Ha dreizhan evidomp bezit trugarezuz.

*Abostol*

Klevomp breman, mouez an Testamant kenta,  
Deus n'Ebestel ar c'hentelljou santella ;  
Kreskit, o va Doue, hor feiz en ho lezen,  
' Vit ma vezo tomoc'h hor c'halon er beden.

### *Aviel*

En aviel e komz Doue he-unan,  
Savit'n ho sa evit selaou anezhan.  
Bennoz d'eoc'h, va Doue, da veza lavaret  
Ar pezh zo da ober, ar pezh zo difennet.

Kredi a ran komzou an Iliz santel,  
Senti outhi a fell d'in beteg mervel,  
Dreizhi e komz Doue, ha ne 'z eus ket daou hent  
Da gaout ar virionez ' vit mont da vro ar zent.

### *Prof. Lavabo*

Kinigomp oll assamblez gant ar beleg,  
Guin ha bara, magadurez pemdezieg,  
Evit beza chenchet e korf goad hor Zalver,  
Da vaga hon ene, na peger braz mister!

Ni ginnig d'eoc'h hor c'halon hag hon ene,  
Var an aoter, da veza chenchet ive.  
Goalc'hit hon eneou, kasit pell ar pec'het,  
' Vit ne vezo ennomp nemet Doue kavet.

### *Orate, fratres.*

Pedit, breneur, ' vit ma plijo da Zoue  
Hor sakrifis, rak hoc'h hini eo ive.  
Ra blijo da Zoue, evit he vrasa gloar,  
Evit mad hon ene hag Iliz an douar.

### *Préface*

Evit meuli Doue an oll zantelez  
Savomp hor mouez da heul hini an elez.  
Ne z euz netra ker just, rak Hen eo hon Aotrou,  
Ar Mestr var an douar, kerkoulz hag en envou.

*Santus*

Santel, santel, leveromp teir guech santel  
Eo hon Doue, e bar en env ken huel.  
Var an donar ive, kanomp d'eshan bennoz,  
Pa b'ij ganthan disken deuz gloar ar baradoz.

*Araog ar Goureu*

Pedomp breman, unanomp hor c'halonou  
Gant ar beleg, selaouomp he bedennou :  
Pedi ra ' vit an oll, ' vit ar Pap, an Iliz,  
Evit brassa ezomou ar re zo en ofiiz.

*Goude ar Goureu*

Adoromp oll, e sacramant an aoter.  
Enn Doue kuzet, Jesus hor mestr, hor Zalver.  
Sperejou evuruz, prinsed deuz he balez,  
Gant karantez ardant, meulit Hen da jamez,  
Meulit hen da jamez.

*Pa z'eo slouet ar beleg*

Digemerit, Elez, divar an aoter,  
An Hosti zakr ha sakrifiz hor Zalver,  
' Vit ho c'hass d'an envou, da brea evidomp,  
Ma kouezo adare, pardon Doue varnomp.

*Memento ar re varo*

O pezet sonj deuz ho pugale garet,  
A zo en tan gant ho justis kastizet,  
Merket int gant ar feiz ha gant ho karantez,  
En han'ho sakrifis, o pet outho truez !

*Pater*

Doue, hon Tad, dre oll ra viot meulet,  
Ho polontez dre holl ra vezo heuillet ;  
Roït d'an dud, bemdez, an tam bara zo ret,  
Ha diouallit hon ene deuz bilim ar pec'het.

### *Agnus Dei*

Var ar C'halvar, Jesus, c'hui oc'h euz paect  
Dle ar pec'her, an eneou c'heuz prenet  
Ni ho ped, Oan Doue, o pet truez ouzomp  
Ha roït d'eomp ar peoc'h,  
Skuillit ho kras varnomp.

### *Domine, non sum dignus*

Pegen kaer eo tostad deuz an daol zantel !  
Mes, siouaz d'in, penaoz sevel ken huel :  
Rak me zo eur pec'her, re baour eo va ene !  
Mes livirit eur gomz, hag e vezin pare.

### *Goude ar Gommunion*

O va Jesus, penaoz c'hellimp-ni diskuz  
Hor c'harantez, 'vit kement a vadelez ?  
Ni ro d'eoc'h hor c'halon, hor speret, hon ene,  
Ni fell d'eomp ho meuli, hed an eternite.

### *Benoz ar beleg, aviel diveza*

Araog mont kuit, goude bennoz ar beleg,  
Pardonit d'omp mar d'omp b'it re lezireg  
Da heulia penn da benn sakrifis an oferen.  
Ha kinnigit, c'houi, Mari, da Zoue hor peden.

Enn deiz da zont, bodet en dro d'hor Zalver  
Er Baradoz ha dizolo ar mister,  
Ni a gano bennoz da Zoue 'n em c'hret den,  
Evit galout rei d'eomp ar bonheur da viken !

Le Gall

L. G.

Persoun Taole

Imprimatur

Quimper, le 24 Novembre 1906

EM. FLEITER

V. G.